



Concello do Porriño

BASES DOS PREMIOS ÁS COMPARSAS PARTICIPANTES NO ENTROIDO 2022

A Concellería de Festexos do Concello do Porriño convoca o tradicional desfile de comparsas, dentro do programa de actividades do Entroido-2022.

As presentes bases rexerán a concesión de premios ás comparsas por participación nos desfiles programados polo Concello.

REQUISITOS XERAIS:

a) Participantes

Poderán optar aos premios establecidos nas presentes bases todas aquelas comparsas integradas por un mínimo de 10 compoñentes, e poderán inscribirse en dúas modalidades:

- Infantil: ata 12 anos.
- Adultos: a partir de 13 anos en diante.

O maior número de compoñentes por idades definirá a clasificación da comparsa na categoría infantil ou adultos.

Cada asociación poderá presentar unha comparsa en cada unha das modalidades.

b) Inscripcións e prazo

As inscricións deberán presentarse no Rexistro Xeral do Concello do Porriño no impreso normalizado para esta finalidade, e achegarán a seguinte documentación de carácter obrigatorio:

- Fotocopia do CIF da asociación
- Declaración responsable asinada polo presidente/a da Asociación de non ter débedas tributarias nin fronte á seguridade social.
- Certificado orixinal da conta bancaria da Asociación.
- Documentación dos vehículos para a participación nos desfiles:
 - Permiso de conducción
 - Permiso de circulación
 - Ficha técnica ITV vixente
 - Recibo do seguro vixente

CONTINXENCIAS

Aquelas comparsas que teñan dificultade coa presentación da tarxeta CIF ou documento de exención do IVE, terán que presentar o documento onde se reflexe que esas solicitudes están en trámite, e que se achegarán unha vez as teñan no seu poder.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



Cod. Validación: AZWL9TXW2K5ZYQ2FNLIWF67RZ | Corrección: <https://oporriño.sedelectronica.gal/>
Documento asinado electronicamente desde a plataforma xestiona esPublico | Páxina 1 a 3



Concello do Porriño

As asociacións participantes poderán inscribir as súas comparsas dende o 10 ata o 18 de febreiro de 2022, ambos incluídos. Aquelas inscricións realizadas antes ou despois do prazo estipulado nestas bases non serán admitidas, calquera que sexa a causa.

c) Importe dos premios

A cantidade máxima destinada a premios de participación no Entroido establécese en **13.950 euros** con cargo á partida orzamentaria 334.4800010 do vixente orzamento municipal.

O importe dos premios determinarase segundo o número de compoñentes da comparsa:

COMPARSAS DE ADULTOS E TAMÉN COMPARSAS INFANTÍS

de 10 a 19 compoñentes.....	300 €
de 20 a 39 compoñentes.....	550 €
de 40 a 55 compoñentes	850 €
de 56 compoñentes en adiante.....	1.000 €

O importe máximo establecido de **13.950 euros** repartirase ata acadar esta cifra e seguindo rigorosamente a orde de inscrición. Aquelas comparsas que desexen participar no Entroido fóra deste orzamento, poderán inscribirse pero sen opción ao premio por participación.

d) Orde de participación

Nos desfiles participarán en primeiro lugar as comparsas inscritas na categoría infantil seguidas das comparsas de adultos e segundo a orde de inscrición no concurso.

Cada comparsa deberá levar un cartel que indicará o seu nome, o lugar que ocupa no desfile e o número de compoñentes.

e) Obrigas das comparsas

As comparsas que aspiren ao premio de participación teñen a obriga de estar inscritas e participar nos desfiles do sábado e do martes de Entroido; e no acompañamento do enterro da sardiña, o mércores de cinza. Aquelas comparsas que queiran participar fóra de prazo, non terán dereito ao premio.

f) Percorrido nos desfiles

Os desfiles terán lugar nas datas e horarios sinalados no programa de festas do Entroido.

- Sábado ás 18h e martes ás 18:30h. Partirán polas rúas asignadas polas autoridades sanitarias de acordo coas restricións pola COVID-19.
- Está totalmente prohibido o uso de animais, sprays ou petardos.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579





Concello do Porriño

Enterro da sardiña: as comparsas participarán no acompañamento da sardiña co seguinte percorrido: saída dende praza A. Antonio Palacios, continuando pola rúa Antonio Palacios, Domingo Bueno, baixando pola fonte de San Sebastián e seguindo por Manuel Rodríguez ata a praza A. Antonio Palacios de novo, onde se procederá á lectura do testamento. Deseguido, rúa Peña e rematará preto do albergue de peregrinos (Paseo do Louro), onde se procederá á incineración. Así e todo, este percorrido tamén estará suxeito ás restricións pola COVID-19.

O velorio terá lugar na Praza A. Antonio Palacios (no caso de choiva o Concello asignará un novo espazo) en horario de 17 a 20 horas.

O testamento da sardiña será redactado polas comparsas ou calquera cidadán/á, pero sen carácter obrigatorio. Aquelas persoas que desexen participar no testamento deberán presentalo no Centro Cultural Municipal nun sobre pechado e dirixido á Concellería de Festexos, dende o 10 ao 18 de febreiro de 2022, ambos incluídos, en horario de 9 a 14 horas.

Estes percorridos e horarios poderán ser obxecto de variacións por causas meteorolóxicas.

g) Valoración de premios

A participación supón a plena aceptación do disposto nas presentes bases e o incumprimento de calquera das cláusulas dará lugar á perda do dereito de optar aos premios de participación.

No control das/dos compoñentes de cada unha das comparsas haberá un comité de observación formado por tres persoas, asignadas pola Concellería de Festexos.

h) Publicidade

As presentes bases serán publicadas a través dun anuncio nos medios de comunicación local, no taboleiro de anuncios municipal, na web do Concello do Porriño, no Boletín Oficial da Provincia de Pontevedra e noutros medios de difusión que a Concellería de Festexos dispoña, para xeral coñecemento.

Concello do Porriño

C/ Antonio Palacios, 1, Porriño, O. 36400 (Pontevedra). Tfno. 986335000. Fax: 986330579



Cod. Validación: AZWL9TXW2K5ZYQ2FNLIWFE67RZ | Corrección: <https://oporriño.sedelectronica.gal/>
Documento asinado electronicamente desde a plataforma xestiona esPublico | Páxina 3 a 3